
Mahalladagi 30 yillik muammo o'z yechimini topmoqda



Mahalladagi 30 yillik muammo o'z yechimini topmoqda

-“2020 yilning o'tgan olti oyi davomida mahallamizda ko'p obodonlashtirish ishlari amalga oshirildi. Ayniqsa, oxirgi bir oy davomida bajarilgan ishlar haqiqatan ham e'tirof etishga loyiq. Bugun Prezidentimizning bevosita topshiriqlari asosida tumanimizda, ayniqsa, bizning mahallamizda ham keng ko'lamlı ishlar amalga oshirilmoqda. Bu esa, xalqimizning xaqli ravishdagi roziligiga omil bo'layotir. Shuningdek, Respublikadan tashrif buyurgan ishchi guruh tomonidan aniqlangan muammo-kamchiliklarni bartaraf etilishi ham barchani birdek quvontirayapti. Men mahalla raisi va deputat sifatida berilayotgan bunday e'tibor uchun xalqimiz nomidan Yurtboshimizga minnatdorchilik bildiraman”-deydi Hazrati Ali mahalla fuqarolar yig'ini raisi Subhonjon Nishonov.

Darhaqiqat, bugun tuman uzra asrga tutigulik ishlar amalga oshirilmoqda. Muammolar va mavjud kamchiliklar ham bosqichma-bosqich hal etilyapti.



Shuni alohida ta'kidlash lozimiki, mazkur mahallada ichimlik va sug'orish suvi ta'minotidagi muammolar kecha va yoki bugun paydo bo'lgani yo'q. Xususan, Zarmiyon ko'chasida yashaydigan aholini suv tanqisiligi muammosi salkam 30 yildirki, o'z girdobiga olgan. Bu haqda mahalla ahli mahalla raisi va bevosita sektor rahbari – tuman prokurori Farhodjon Abduvaliyevga murojaat etishgan. Murojaatlar samarasi o'laroq, 30 yillik kamchilik bugun bartaraf etish bo'sag'asida turibti.



Zarmiyon ko'chasida tik quduq qazish ishlari boshlab yuborildi. Mahalla raising ma'lumotiga ko'ra, tik quduq barpo etish ishlariga davlatimiz tomonidan 291 million so'm mablag' ajratilgan. Agar loyiha amalga oshsa, 60 metr chuqurlikdan tortib olinadigan obi hayotdan mahalladagi 180ta oila bahramand bo'lishadi. Mutaxassislarning ma'lumotiga ko'ra, har bir xo'jalik uchun tomchilab sug'orish tartibi joriy etilib, aholining ichimlik suviga bo'lgan talabi ham to'liq qondiriladi. Qilinayotgan barcha ishlar ³⁴34imiz manfaatini ko'zlab amalga oshirilayotgani bilan ham ahamiyatlidir.

